

新纂雲南通志卷二百五目錄

名賢傳三

楚雄府

明

李霖 劉鈞 何鑑 何漸達 宋鈺

安鏞 李啓東 俞汝欽 王鳴鳳 陶希臯

朱萬元 孫學易 楊天助 陳我睿 由於廷

周孔徒 俞觀

清

陳士驥 僕開遠 劉鑑 張肫仁 徐達乾

施光裕 鄭天貴 黃開商 王桓 陳文燦

新纂雲南通志 卷二百五 名賢傳三 目錄

宋永錫 李品元 郭躍龍 陳潢 謝聘

卜澤遠 李英 麥增 倪樹德 陳廷杰

澂江府

明

趙禧 李蕃 侯必登 鄧漢鼎

清

管一奏 金先振 張見麟 陳泰來 王佑命

侯以璋 張義 謝清問 郭晉 郭錫恩

李之梓 段璿 李世英 許何衢 楊舒達

顧明德 李必揚 趙鴻儀 李毓芬 速中清

趙永昌

順寧府

明

猛蓋 猛卿

清

王熾 子維楫

邱豈凡 子士範 孫文炳

俸君恩 徐慎修 楊學禮 陳文藻 袁 暉

邱潤 曾傳一 彭彰浩 劉佩蘭 吳必顯

彭錕 李紹桐

新纂雲南通志卷一百五

名賢傳三

楚雄府

明

李霖姚安所人成化乙酉舉人任浙江運副一介不取歸里之日行李蕭然田居十餘年惟茹淡衣垢親臨有餽之者卻之終其身無悔色後浙中坐以侵盜官緡移文至滇繫其子以償御史呂文榮素知其賢按之果誣也蓋同列者忌其履潔故中傷云

姚州志

劉鈞姚安所人成化癸卯舉人孝友純愨嘗於上元夕觀燈拾金鈿不以語人曾兩夕候其處後一夕果有一婦來泣求所失即持與之知長壽縣分祿以及士之貧者歸里四十餘年不輕入市

萬曆志

新纂雲南通志

卷二百五

名賢傳三

楚雄府 明

何鑑楚雄人善事繼母以孝聞正德庚午舉人任涪州學正為冢宰夏邦謨所重遷知永川縣有惠政後歸居鄉親戚貧不能嫁娶者捐資助之更置田以贍宗族

萬曆志

何漸達鑑之子恩貢生授蒼溪知縣縣有蠶桑之利歲獻令若干曰樣絲漸達罷之歲饑設粥賑濟後告歸仗義樂施資助婚喪建橋利涉父子世濟其美

雍正志

宋鈺楚雄人正德癸酉舉人任斬水教諭科條嚴密衣食貧士遷岳池知縣多惠政歲旱徒跣祈禱罹疾不辭宦遊垂二十年所得俸資悉周親族家無餘財

參一統志
萬曆志

安鏞楚雄人事親孝謹接人和恭雖遇拂逆事未嘗有愠色所居枕林帶泉每當適意處輒揮琴誦詩以自娛過其廬者胥式焉屢辭鄉

賓之請雅爲憲司所重壽八十餘而卒

萬曆志

李啓東楚雄人讀書過目成誦下筆累千餘言以嘉靖壬辰二甲第
一人成進士歷官禮部郎中忠鯁廉介遠近稱之

萬曆志

俞汝欽楚雄人嘉靖丙午舉人質性清粹超然塵外居家不營產業
惟以讀書明道自任山居不履城市當事往見言不及私惟直陳地
方利弊纂修郡志詩文尤爲清逸所著有山齋集

雍正志

王鳴鳳大姚人事母以孝聞知府王鼎奇其學行爲擇娶則一醜女
也鼎欲爲更娶鳴鳳不可曰此女見棄則終身失所矣鼎益奇之以
貢謁選至京師從王守仁學獻籌邊六策授安福縣丞轉峩眉知縣
興利除弊政聲大著

參一統志
雍正志

陶希臯字直南姚安所人萬曆癸酉舉人少從盱江羅汝芳學後任

石阡推官發奸摘伏如神遷知永寧州平賦役擒巨寇以剛直忤上
官再遷王府教授歸里養親課子族人之無後者爲任喪葬鄉里有
不平者解之修黌宮捐資倡首鄉人感其德

參一統志
雍正志

朱萬元楚雄人萬曆壬午順天舉人任筠連知縣課農桑建義倉置
義冢構學館買學田遷鞏昌府同知決獄平允未舉時從豐城李材
講學深契性命之旨嘗語人曰吾輩學問得力與否全在寂然不動
發而未發有無之間下手此處倘無主宰性命總無根著知府李廷
謙深然之後材得罪下獄偕省郡諸生蔣希堯入都視諸獄中蔣更

受經歸世稱難能

參雍正志
楚雄縣志

孫學易楚雄人萬曆壬辰進士任寧國府推官斷獄無冤歷遵義道
副使土官奢崇明有逆志屢請上官先事以折其謀不納後猖獗三

省騷然人服其先見擢陝西右布政使致仕歸會友講學置義倉地
方事有不便者直陳當事閭里稱之參一統志
雍正志

楊天助南安人賦性恬靜少以孝行聞由萬曆歲貢任思恩知縣治
績稱最乞歸終養承歡備至尤好獎掖後學周給貧寒實縉紳中之

可法者楚雄
府志

陳我睿南安人孝行著聞存心仁恕救荒拯厄掩骼埋胔尊師睦族
以歲貢任永平訓導移建永平學宮至今人文漸盛著有太易集解

行世楚雄
府志

由於廷姚州人明諸生博通經史百家教授於鄉一州英俊盡出其
門既歿門人鑄像祀之採
訪

周孔徒定遠人天性孝友撫兄子育弟妹存恤親戚教養成立勸匪

友之勵行止門人之棄婦培植風氣闡明理學還金歧路屏絕邪色
事多卓然可稱子昌祥天啓乙丑進士官大理寺評事事母亦以孝

聞參一統志雍正
志定遠縣志

俞觀楚雄人崇禎間貢生與弟益皆潛心理學教授生徒而觀尤孝
友方正流寇陷城聞其名迫之見不屈投泮水救之得不死益子聯

輝舉人有夙慧過目成誦文詞典麗性高潔徵聘不就參一統志
雍正志

清

陳士驥南安人順治庚子舉人吳三桂之變檄官之拒不受事平授

隆德知縣雍正
志

僕開遠姚州人順治庚子舉人康熙五年授浪穹教諭吳三桂之變

棄職歸里憂憤而卒姚州
志

劉鑑字冰如楚雄人康熙己卯舉人授懷遠知縣設誓於神不飲民
一勺水甫下車陋規盡革鋤奸植良會歲饑力請停徵糶米煮粥日
食數千人鄰邑之民相率就食全活甚衆致仕歸捐置義田樂施不
倦事親以孝聞吳三桂之變負母入深山兩踵流血鄉黨以爲難能

道光志

張肫仁字子任楚雄人康熙癸卯舉人生平尙氣節嚴取與學識堅
定剛直不阿吳三桂脅以官抗不受甘貧守正教授生徒雍正志

徐達乾字躋庵楚雄人康熙癸丑進士吳三桂脅之以官不屈堅正
自守者八年及清兵平滇巡撫王繼文疏薦授高苑知縣興利除弊
政績甚著行取吏科給事中尋罷歸參一統志 雍正志

施光裕大姚貢生初官四川新津縣訓導擢灌縣教諭訓士有方士

新纂雲南通志

卷二百五 名賢傳三 楚雄府 清

四

風爲之不變以憂歸服闋補署我教諭倡修學宮購致書籍資諸生
誦習升淮安府教授以親老乞歸所餘俸悉歸諸弟自甘淡泊室如
懸磬而好學不輟於宋儒理學尤所究心著有居敬錄省心錄行世

大姚縣志

鄭天貴大姚貢生授直隸內邱縣訓導升景東教授未幾致仕天貴
幼家貧竭力事親無缺旨甘父性褊急常寓幾諫於順承之中侍母
病寢食俱廢母苦疾跪牀下慰之撫弟成立嗣任教職薄俸所入悉
調里黨置田數十畝分濟族人族中死而乏嗣者設粟主合祀諸宗

祠中大姚縣志

黃開商字質公姚州人父沒事母以孝聞敬兄友弟家貧不以累心
雖屢空晏如也惟以耕讀敦本謙退和厚訓子弟人或忤之犯而不

校以康熙乙丑歲貢授澂江教諭日以經義教生徒澂郡經學以明
改補平彝教諭滇中稱善教育者首推焉姚州志

王桓楚雄人乾隆丙辰武舉生而岐嶷篤於孝友嗜經書好吟咏倡
建桂香閣捐修楊公祠燕居無惰容嘗曰人可生可死不可爲非禮
非義之事著有治家格言言行錄行世楚雄縣志

陳文燦楚雄人乾隆癸酉舉人尙氣節重道義同鄉御史馬錦文卒
於官眷屬咸在京邸文燦水陸萬里展轉經年扶柩歸葬安其細弱
乃還後任騰越州訓導以緬甸軍功擢授潁上知縣修學宮建學署
疏水利治民一以誠感三載告養歸里承歡母前十五年如一日蓄
貲宗祠爲族人試卷費贍養窮乏邑宰興大役動大衆力爲鄉人調
護勢不能屈師範稱其器宇清深文筆雋朗刑部侍郎王學嘗錄其

詩入湖海詩傳年七十卒

參渡紫楚
雄縣志

宋永錫楚雄人諸生賦性剛毅見義勇爲乾隆壬辰龍川江大水廬
舍傾圮官發帑賑濟遷改河道永錫親董其役櫛沐三載開鑿數里
增築石堤數十丈土堤數百丈水患始息又請將已裁營署改建市
肆三十餘間收其息以資書院膏火三十二年永昌用兵芻糧皆民
運民交糧戶苦之嘉慶間維西軍務會議運腳永錫力請民納官運
闔郡稱便後臨安永北大姚諸役遂仍其例道光志
李品元大姚人性迂樸嗜學勤苦年九十餘孜孜不倦購書萬卷置
一樓中寒暑坐臥其間以廩生鄉試未中欽賜舉人未及會試而卒

郭躍龍楚雄人郭子容之孫慷慨施予凡伊祖所建寺觀橋梁傾圮

者悉爲修理偶至鄉落路經平掌汎地失火營兵誣爲躍龍所焚躍龍不與辨自爲建造其厚德如此

楚雄縣志

陳潢字蘭臯楚雄人幼精敏隨父文燦任浙江誦書日千言未幾其父引疾歸璜學愈力甫弱冠嘉慶甲子以第二人舉於鄉三上春官不第歸授徒以躬行實踐爲教三迤人士從之遊多所造就後選知縣辭不赴終年七十著有五經釋義條辨咸豐庚申燬於兵

光緒志

謝聘字席珍楚雄人貢生秉性謙沖博覽羣書未嘗傲物亦不妄取與人皆仰之晚年授徒諄諄不倦從遊者多掇巍科致顯仕

光緒志

卜澤遠字培源楚雄人貢生性仁厚讀書刻勵屢試不售家居授徒以愛親敬長爲首務貧無力者出貲以成就之其家人子婦衣不綺羅食不貳簋族中吉凶禮一遵古制庭闈雍肅五世同居爲楚郡衣

冠大族鄉里矜式嘗豔稱之曰福德第一家

光緒志

李英字彥之楚雄人貢生家貧嗜學性端介嚴取與課徒以孝友廉節爲先鄉里有忿爭者曲爲解說無不歡悅年逾古稀選陸涼訓導未之任適賊陷城死之

光緒志

麥增字川至楚雄人貢生性剛直家赤貧好學日午不炊誦如故家居戒子弟勿競紛華而訓徒以躬行爲先遇人善則稱道弗衰反是必正色直斥里人咸欽服焉庚申城陷死之

光緒志

倪樹德字務滋楚雄人貢生性剛方家範嚴肅里黨則效相率而化授徒務實黜華戒交遊所造多純樸之士

光緒志

陳廷杰字笏齋姚州人歲貢生性端重簡默幼從貢生甘榮祿學終身守師法一以敦本力行爲主推以教人從遊常百有餘人得脩金

盡以養父母修祖墓而自奉甚約咸同之亂攜家遠避皎然無所染時州人託名宣講聖諭肆其降乩遊冥之術以惑世誣民廷杰爲文力闢之洋洋千餘言識者以比昌黎原道之作生平不以才志先人而傲岸者當之輒屈服不敢自肆嘗自言平日讀書得力於論語不欲無施有諾無間之語聞者據所言以核所行羣謂於此實有體認踐履之功光緒三十年卒年八十有一

採訪

澂江府

明

趙禧字景福河陽人正統丁卯舉人授永從知縣有廉惠聲丁艱歸服闋歎曰祿爲養也而親不逮仕復何爲遂不仕

萬曆志

李蕃字庭茂河陽人正統戊辰進士授戶部主事出視臨清錢穀及

新纂雲南通志

卷二百五 名賢傳三 澂江府 明清

七

九江關楮幣豪吏斂手以親老乞歸爲黔國公所禮重撥在境莊田給之卻不受澂俗奢靡蕃於婚喪諸禮悉從儉約一郡化之

參一統志萬曆志

侯必登字頤真江川人嘉靖己未進士歷官潮州知府有倭警井里爲墟必登請罷一切苛條與民休息嘗以事至省經賊巢賊見之羅拜後擢江西參政上官有以事強之者必登曰吾頭可斷事不可從也時稱其賢云

參一統志雍正志

鄧漢鼎字變公河陽人崇禎間貢生孝友忠信讀書淵博爲文根極理要所授徒多成名士嘗避艷色返遺金尤世所難鄉人至今尸祝

之

雍正志

清

管一奏新興人自幼純謹端方臨財不苟事親孝教子嚴嘗捐建文

昌宮書舍延師課讀多成就一鄉以老佛呼之以子灝貴封如其官

雍正志

金先振字正希河陽人少讀書攻苦微損目力訓課生徒多所成就
晚年究心邵子先天之學頓悟厥旨目光炯炯射人顛頂中虛如赤
子然凡事前知將卒先期遍告親友怡然而逝

徽江府志

張見麟字道如新興人諸生孝友醇篤性穎悟博通子史纂五經四
書精義皆手錄成卷提學鞏建豐調閱稱賞爲之序復旌其門曰理
學醇儒爲文敏妙試必冠軍以數奇不遇應貢而卒

玉溪縣志

陳泰來字慶山新興人諸生性剛毅不屈於人其爲學一本於誠以
四書五經爲根柢設教於北城名其館曰藜照讀書處訓誨生徒勿
有或倦及門數十百人多所成就一時士大夫交相推許子三人均

列膠庠食廩餼學者稱慶山先生卒年六十有五

探訪

王佑命字命爾新興人勤學好古博通經史尚氣節舉止端方有司
聞其賢召之不至晚年自號種松老人著有菜根齋集行於世

雍正志

侯以璋字楷廷河陽人天資厚重寡言笑篤學力行生平自奉甚約
以其餘周給貧乏中康熙辛酉副榜任蒙自縣教諭捐家資千餘金
墾荒地爲學田遷雲南府教授建奎文閣規則煥然

參雍正志
徽江府志

張義字我由新興人康熙丁卯舉人舊例有舉於鄉者官徵里下銀
五十兩以資公車費義曰吾方進步即累鄉黨於心安乎峻卻之例
遂革後任岑溪知縣修學教士息訟賑災多善政卒祀岑溪名宦

雍正志

謝清問字愈臣河陽人少孤事母盡孝嘗出見遺金於路拾而擲之
以足蹴土掩之失金者至問其數相合告其處令自取之其人感激

欲分半相贈不顧而去以乾隆丁丑成進士補大名知縣大名地近漳河素遭水患清問先事豫防築堤決壅以待之與監司意不合遂移疾臥後漳水大發邑獨無患時總督方觀承知其賢強起之使治漳河水務水患悉平尋補井陘調獲鹿獲鹿城久圯清問爲重修事竣而民不擾民德之繪其像入賢侯祠清問曰爲官盡心固分內事何得妄繪像趣毀之民復繪如初其在井陘也俗患狐崇僧巫乘間蠱惑多設淫祠清問一切禁絕狐患亦息擢授正定府同知累官江南道監察御史嘉慶改元入千叟宴時母李迎養在都御賜珍物陳於母前有女弟適李氏母所愛也清問爲其壻納資循例爲國子生且置田養贍之母益喜自以父早逝事叔如父在官以清白自矢病民之事除革殆盡其他善舉知無不爲至今鄉人猶嘖嘖稱道云

道光志

郭晉字自昭河陽人拔貢乾隆丁酉舉人任山西太谷知縣移陽曲知縣巽水在署左舊多溺者因築長隄植榆柳周圍成蔭以護之並建純陽閣於上以培風脈轉澤州府同知擢大同知府調太原知府修黌宮及書院捐俸增膏火尤善治獄不事刑求而明決服人所至皆以慈惠稱致仕歸立宗祠設家塾肫肫以和睦宗族爲念尤喜培植人材凡郡人之貧不能就試者悉助之資一時寒峻多所成全咸

豐三年公舉入祀鄉賢祠

光緒志

郭錫恩河陽人際清子賦性敦篤寡言笑慎交遊以貢生任安寧訓導教士有方尤加意寒峻登道光壬辰進士授戶部主事父任廣東同知年老多疾乞假往省奉之歸甫登程父即嬰疾沿途奉侍日不交睫者三月抵黔父卒徒跣扶柩歸以耳病遂不出居鄉引掖後進

貧而廢讀者助之膏火使入鄉塾里黨有急叩之無不應時知府李熙齡纂修郡志聘入局參互考訂不厭周詳生平好學至老不倦里居數十年一切善舉皆倡首爲之咸豐三年公舉入祀

光緒志

李之梓字文園河陽人湖南巡撫發甲曾孫嘉慶甲戌進士官湖南興化知縣邑多訟棍貧民每不得直到任訪實悉置諸法一時訟理刑清權正江知縣歲薦饑出俸設粥場民免流亡移耒陽知縣俗多溺女集耆老反覆開諭厲其禁並設育嬰堂以收養之全活甚衆建養濟院以恤孤寡立社倉以備荒歉擢古丈坪同知權岳州知府華容大水力請賑濟時江華僑匪不靖大府知其能委司軍需局務諸事悉舉所蒞各郡邑凡學校書院義學壇廟皆捐廉修建及歸置祭田立塾於宗祠族黨中之貧乏者咸使就讀遇婚喪極力周助咸豐

三年公舉入祀

光緒志

段璿字東谷河陽人諸生從兄琦北上入成均肄業甫二載聞母恙馳歸日侍藥餌獲安結廬於東山之谷教授生徒以束脩供甘旨母壽九十四終遂不出嘉慶元年郡人公舉孝廉方正聞於官強之堅辭不受著有東谷吟一卷

道光志

李世英江川人貢生性謹恪博學能詩與人交必重然諾授徒於鄉

先德行後文章家居數十年未嘗一入公門

光緒志

許何衢字雲坡江川人貢生性剛介學問淹通工書善畫不阿權勢不妄取風骨高騫然遇人急輒周之生徒多敦篤之士其子湘與館

選人謂其積善餘慶云

光緒志

楊舒達江川人貢生樸訥厚重不競紛華生平未嘗慢人見困厄者

尤加意周恤不使人知年七十餘以授徒終於家

光緒志

顧明德字鴻儒號學齋江川人歲貢生成同之亂保衛地方招徠難民備盡心力江川保全明德與有力焉又隨官軍克復晉寧澂江皆有功保縣丞亂平不樂仕進授徒晉寧並先後主講台山萃文等書院造就人才頗衆卒年八十一

探訪

李必揚字桐聲號顯廷江川人性剛直嫉惡如仇咸豐丙辰亂作各地惡少年皆拜會結盟蠢蠢欲動有四川人朱洪順者至江川勾結惡少圖謀不軌派糧派餉大肆苛虐又搜銅鑄礮六鄉銅器搜索一空必揚恨之次骨至八年戊午六月乃選帶健勇數十人入城手誅之并誅餘黨三百餘人亂稍定至十年庚申冬月二十三日夜半江城陷必揚與楊本昌李燦韓玉佩各帶壯丁數百人入城手誅匪首

馬雙恩遂復江城事定後大府彙功聞於朝獎以副將旋中同治癸酉武舉性恬淡不樂仕進雖武人而親敬儒士與浪穹舉人阿中立善邀至其家優禮之十餘年如一日事母尤孝每爲其母洗足剪趾甲至今鄉人猶稱道不衰云

探訪

趙鴻儀字衡峯弟鴻文字煥章江川人以文學世爲鄉里師鴻儀簡默寡言尤負重望咸豐庚申匪陷城殺人如麻鴻儀與弟計曰城破家陷予將誰適與其奴顏婢膝苟以偷生毋寧集壯舉義共破賊獠事成當可全命而保家不就後世必有諒吾心者鴻文然之於是暗約李毓芬王永安李必揚楊護等召集民壯由南關外殺入鴻儀昆季則糾集義兵由南城內殺出兩路夾攻大破敵於南門外新橋城遂復鴻文罹難其後復河陽晉寧新興昆陽諸城鴻儀亦運籌其間

亂平歷任曲靖永昌教官俱有聲

採訪

李毓芬字芳田江川人拔貢生成豐庚申匪陷城退邇罹難毓芬慨然約同志楊護趙鴻儀李必揚王永安等糾合鄉壯大破敵於南城外新橋縣城以復其後復河陽晉寧新興諸城毓芬皆與有力亂平大府嘉其勞授署峩祿勸等處儒學教諭越南之役調隨營文案事竣委大姚儒學教諭並存記知縣以越南瘴發卒官年五十九

採訪

速中清字在廷新興人同治庚午舉人其學以宋儒爲準繩博極羣書慨然有志於用世屢困春官遂不出仕保持文武廟暨書院產業無遺平居日立課程著有盡性錄一書惜未傳世

採訪

趙永昌字春圃新興人光緒庚辰進士官東川府學教授兼主講振興文化培植寒畯一時登科第者多出其門監修河堤有功大府保

新纂雲南通志

卷二百五 名賢傳三 澂江府 清 順寧府 明清

一一一

薦知縣不就迨致仕歸東郡立去思碑以誌之

採訪

順寧府

明

猛蓋順寧人世襲土知府恩威並濟頗得下心黔國公屢獎之

萬曆志

猛卿字堯佐順寧人世襲知府性聰敏通書史崇儒教子夷俗多所

變正嘉靖丁亥武定尋甸之亂有功恩賜文幣寶鏹獎之

萬曆志

清

王熾雲州人貢生慕州牧王祚興名往從學焉因築室於下衙山麓集書千卷躬耕自適晏如也雍正十年選教職辭不就日以講學爲事子維楫亦貢生素友愛嘗掘地得百餘金出以爲家中公用不以自私伯兄率捐金爲兄子置田畝族人空乏者悉爲周恤比年饑饉

以所貯餘穀分貸貧民聽其償逋負者不問也

順寧府志

邱豈凡字聖軒本石屏廩生乾隆二年遊緬寧遂爲緬寧人是時緬襲夷風禮教未行豈凡至設童蒙館以朱子小學教授生徒使知灑掃應對之節尊卑長幼之序風俗爲之一變後之學者謂緬寧文化始於豈凡云卒年八十有八著有訓蒙草修齊條約養心篇等書咸豐十年兵燹燬子士範字隆周緬寧廩生博學能文操履嚴正切於孝養不慕虛榮教讀四十餘年成材甚多孫文炳字麗夫嘉慶辛酉歲首經明行修教家有禮慷慨好義文武廟皆其倡修教讀三十餘年裁成亦衆生平廉介不苟以清白世其家云

採訪

新纂雲南通志

卷二百五 名賢傳三 順寧府 清

一三

城君恩均董其役平居孝友義行尤著

採訪

徐慎修字永齋順寧人貢生性端慤讀書刻勵居常嚴肅終日無惰容接物以誠取與介然不苟後選昆明訓導巡撫伊里布延聘教讀有餽金請託者慎修力辭而諱其事撫軍廉得其實禮貌愈隆年九十餘終

光緒志

楊學禮字中立號敬齋緬寧人道光壬午舉人性孝友主講班鳳書院多所成就

採訪

陳文藻緬寧人道光間諸生性情恬退不務浮名豪飲工詩所居名紅窠傍山近水樹林陰翳文藻復手植梅花百株因自號百梅先生平居寡交不入城市日攜樽酒徜徉梅花樹下吟嘯自得著有梅花詩百韻傳誦一時而疎財仗義尤爲鄉里所稱年逾七旬無疾而逝

袁熨字午亭緬寧人咸豐辛亥科舉人才學兼優孝行尤著其為文不假思索一揮而就事親處眾均為鄉里推稱主講班鳳書院陶成後學甚多人謂緬之文風創始於邱豈凡而不振於熨云訪採

邱潤字福田緬寧人邑庠生幼孤事母至孝母唐氏奉佛極虔每晨潤必親潔沐齋供以伺無稍怠母疾轉側需人舉凡飲食起居便溺等潤親任之不以假手於兒女年五十出入必告膝下依依為孺子慕而生平樂善好義濟困扶危邑有善舉傾囊無吝色咸豐中葉緬寧被兵曾毀家紓難捐萬餘金以充軍餉母沒哀毀骨立教家有禮子孫悉如其為人邑以孝義稱焉訪採

曾傳一字奇齋緬寧人庠生博學多才敦尚孝友父母早故與弟誠

一恆對燈讀專務實學質疑問難互相師友後誠一應猛角董土司聘月餘思念至廢寢食促令歸坐起必偕而生平輕財重義樂善急公遇鄉人有爭執他人百計不能解者得傳一片言莫不折服卒年

七十餘訪採

彭彰浩字養志號直菴緬寧人歲貢生忠厚嗜學不慕榮利經明行修邦族共仰教讀四十餘年學者多所陶成舉人袁熨蕭遠揚楊恩

錫歐陽秉彝皆出其門訪採

劉佩蘭字芳谷緬寧人歲貢生博學寡交遊不入公門詩書教子每暇手執性理書一卷獨坐樹根披讀不輟夕陽在山始返年八十猶

矍鑠立品有古人風訪採

吳必顯字明遠緬寧人經明行修操履嚴正嗜學若渴而不樂小試

咸同間避亂隱居上改心之佛房籌教夷民讀亂平回里設童蒙館
教育鄉里子弟循循善誘成材頗衆年八十目明耳聰尙能作小楷
平日種竹栽花吟嘯自得常謂生平未曾到城亦不知孰謂漢官其
高尚如此而行義不苟尤足爲鄉里所矜式焉卒年九十有六

採訪

彭錕字耀南緬寧人幼失怙母師氏仗節撫孤有畫荻風錕率教惟
謹逮長沈毅果勇急公好義事親處衆以敬以誠先後佐幕辦團初
平順寧土賊再定僕作功德在西南邊徼漢夷數萬家莫不傾服云

採訪

李紹桐字鶴年緬寧人貢生性樸實好施每爲鄉人排難解紛人皆
樂得其一言以爲決咸同亂後繼以僕黑山之役紹桐奉令團集鄉
練不名一錢而百事舉卒年八十八

採訪